

## 二席 沖縄県文化振興会理事長賞

ちよーちか ちよーちか

みやぎじゅん

あらすじ

時代は、少しだけ未来を設定している。厳しい状況をくぐり抜ける中で、沖縄の言葉や歴史文化を大切にすることが徹底されたということにしてある。

うちなー口サロン「チャーがんにゅう大学」は、山城フミおばあが運営

している。食事も出すが、うちなー口の言葉の教室でもある。なにより、やってくる人たちの心に寄り添い元気になってくれることを、願っているフミおばあである。

サロンには、様々な問題を抱えた子どもや大人がやってくる。そして、言葉遊びをしながら、フミおばあの話聞きながら、次第に元気を取り戻していく。

そこに、基地の滑走路を延ばすので立ち退いてほしいという国からの強い要請が来る。

周りの人たちが補助金目当てに土地を譲る中で、フミおばあだけが反対する。それは、米兵に愛娘を殺害されるという悲しい過去があるからである。それをフミおばあは、とうとう仲間に打ち明けていく。

場面を断髪屋、闘牛場、デイケアセンターに移しながら、がんじゅう大守を守るために世話になった人たちが集まってくる。

登場人物

山城フミ（がんだじゅう大学主催）

かみじゅう（フミの助手）

タツ（フミの幼なじみ）

ヒロ（かみじゅうのけんか仲間）

子ども1〜5・タキ・耕介・はな

若い頃のフミ

光太郎（フミの夫）

エミ子（フミの娘）

ヨシ（リュウの父）

リュウ

ヤス（チエの夫）

チエ

三線メンバー 1～3

キヨ（断髪屋の主）

断髪屋の客 1～3      子どもの客 1～3

闘牛ファン 1～6

リハビリ担当（デイケアセンター）

介護士

かめ

ツル

デイケア通所者 1～5

集会参加者人物 1～9

黒スーツ 1・2

須加と通訳

1

昔ながらの縁側のある瓦屋根の家。家の前に大きなガジュマルの木の  
はえた広場がある。

個人経営うちなー口サロン「ちゃーがんじゅう大学」「千客万来、軽食  
あり。ウチナー口ゆんたく無料」の大きな看板。「ちゃーがんじゅう大学」  
は、時間帯によって子ども達も遊びに寄ってくる。

心地よい風の吹く夕方、子ども達が、歌って踊って遊んでいる。笑いな  
がら見ているサロン主催者のフミおばあ。

ボールのようなものを次々に手渡していく。渡された子は、踊りながら  
思いついた言葉を言って次の子へ。

子ども 1      かまじし      かばじし      あちこーこー

子ども2 こーこー 喰だしが なーだ やーさん

子ども3 やーさっし 山原 歩っちーねー多幸山ぬふえーれーぬ

子ども4 肝苦さぬんでい くり くいーたん

子ども5 あちこーこーぬ 油じしとー、今度ータキちゃん。いやー

番やさ。

タキ ありがやら くりがやら じるがやら

子ども1 じる じる 感じる 信じる 念じる

子ども2 じる じる かじる ほじる なじる

子ども3 ぬーが うれー 大和ぐちやる

子ども2 あんしえー おーじる そーきじる うりから わじ

る？

子ども3 いやーや、大和ーどうやりー？

ボールを取り上げて、自分が踊る。

子ども3

かたみてい かじみてい まーかいかじみてい ないる

かじりぬ かーまんかい

子ども1

ないるかじりぬ かーまー まーやが

子ども2

かじふちだーまー 飛ぶう所 どうく 風強よーさぬ

誰ーん 来ーらん

子ども3

波照間ぬあがた 唐ぬ側

フミ

波照間ぬあがた 唐ぬ側 唐ぬ側なあとーとーとー。とー

とー今日や、なあ、終わらな。童んちゃー、暗くないねー

親ぬ心配すさ。とー帰ーれー。

子ども1

あんしえー、帰ーいみ。

子ども2

帰ーらな。家ーぐわー 探めーていんーだな。

突然、不気味な照明と音

マジムンの声　いったー、帰ーいる家ーぬあんでい思いんなー。

家や無ーらん。親ん居らんなとーん。

不気味な笑い声と子どもたちの悲鳴。

フミ　　童んちやー、落てい着き、童んちやーよー。

暗転。

照明入る。フミ、縁側でうたた寝をしているのが目を覚ます。



フミ  
夢どうやてーさ。

かみじゅー、やってくる。

かみじゅー とー、また、寝んとーみせーたさやーさい。お年寄いや、にーぶいしーねー昼からん寝んじゅしえーゆたさんでいどーさい。．．．また、同ぬ夢、んーちやがやーさい。

フミ  
かみじゅどうやんなー。いい、まったち同ぬ夢てー。

かみじゅー  
我んねーかみじゅうやあいびらん。和久どうやいびーしが、うんじゅがかみじゅうよーさびーくとう、なーうりっししなびーさ。うう、かみじゅうでーびる。うんじょーどうく心配事ぬ多ふさぬ、うんな夢見ーじゅんよーさい。

フミ  
やさやー。我んが、怖るさしえー童んちやーんかい何ー

がな有いしよー。くぬ頃ー大和からマジムンぬ来ゆーく  
とうやー。うんな夢んーじがすらわからん。

(フミいきなり大声で) あきとーなーあきとーなー

おろおろするかみじゆー

かみじゆー 何ーが何ーなとーいびーがやーさい。

フミ ぬーんあらんしがよー。いやーがどうかくしかさぬ、う

ふえーわちやくつしんーちやさ。

かみじゆー はあ、とーなー。山城ぬうめーよーさい。…あきとーな。

あり、あまからひんじやー童ぬ来ゆーんどーさい。

フミ あい、ヒロどうやんなー?ええ、かみじゆー、今日や喧嘩ー  
すなよー。

かみじゅー わかとーいびーさ。あんぐとーる童んかい大人ぬてー立

ていーねー恥じかさんどーさい。

ヒロ 山城さん、どうも、ご無沙汰してます。ぼく、今度また

東京へ行くことになりましたんで、ご挨拶に来ました。

かみじゅー ぼく???ぼくんでいいる面なー。

ヒロ おやおや、山城さんの腰巾着のかみじゅーさんじゃない

ですか。今、何かおっしゃいました?すみません、ぼく、

内地の方の出身ですので、方言がよくわからないんです

よ。

かみじゅー 僕、内地の方の出身??? (いきなり正座する) 内地の方

ならわかるだろ。これ何という座り方か?

ヒロ ひざまずきでしよう?!

かみじゅー うり、ばっぺーとーせー。これは、内地ではひざまずき

とはいいません。ヒロくん、君は立派な県産品です。ええ、わんが習ーちとうらすみ。いやーや、仲里ぬ側、かーぬ上ぬ新里ぬ孫なとーさ。覚とーけー。

ヒロ

えええ、インターネットも知らないかみじゅーさんが、どうやってそんなことわかつたんですか。

かみじゅー

インターネットわからんていん人ぬ繋がいんでいいしぬあさ。いやーふあーふじぬ隣ぬ家ぬ主や、わん親ぬ友ぬ妻ぬ家やさ。ゆくしむにーや、じょーまでいん通らんちやー。

ヒロ

ああーあ。これだからな。沖縄は狭すぎます。息もできない。ちよつと出かけようとする、必ず隣のおばあが道のそばに座っていて、聞くんですよ。「どこにねー」どこだっていいでしょう。何だって人の生活に首をつっこ

んでくるんです?ま、かみじゅうさんのような人には、  
プライバシーとか高級な感覚はわからないでしょうね。

かみじゅう

山城ぬうめーさい。ぬーがやら、うりかーぬ、むげーとー  
るぐとうあいびーつさー。しぐ さりーんどー

ヒロ

さりん? サリンは、恐ろしい毒ガスですよ。

かみじゅう

いやーや 我ん うしえーとーさやー

ヒロ

うしえーとーさやー????

防衛局の須賀、通訳を連れてやってくる。

須賀

みなさん。おそろいですね。ああ、新里くん、例の話は、  
もうしてもらったかな?

ヒロ

いえ、少し、この人が余計な話をするものですから、も

須賀

うしわけありませんまだです。

仕事が遅いね。君は、もう少し使えそうだと思ったんだがね。山城さん相変わらずお元気ですか。

フミ

いい、ちゃー元気そーんどー。

通訳

はい、元気です。

須賀

そんな簡単なことは、通訳しなくて大丈夫です。もう、沖繩に来てこうして山城のおばあさんとお付き合ひしてずいぶん立ちましたからね。私も少しはこの言葉がわかるようになりましたよ。山城さん、今日はいい話を持ってきたんですよ。あなたが面倒を見ている子ども達のための施設になんと国が特別に補助金を出してくれるんですよ。つい最近、閣議決定されたんですよ。

かみじゅう

ぬう？かくじきつとうばさったんでいなー？

須加

何を言ってるんだね、君は。あ、通訳はいいから。

フミ

やくとう、くまから出じてい行きんでいなー。ならん話やいびーん。

通訳

やはり、ここから出て行くことは、できないそうです。

須賀

山城さん、わたしは、できるだけ穏やかに話を進めたいんですよ。手荒なことは、したくないんです。

フミ

手荒なこと？いったー、いちからアメリカーとうゆぬむんなたが。

通訳

いつから、アメリカ人と同じになったのかと。

須賀

山城さんあのですね・・・

かみじゆう

あり、あり、あまから来ゆうせー繁多川ぬたんめーやあ  
いびらんがやーさい。

須賀、動揺する。

須賀

では、山城さん、どうか良くお考えください。私は、これで失礼します。

通訳共々そそくさと退散。

タツ

はい、山城ぬフミよー。汝ーやいち見ーちん、あしてい  
びちぬぐとーる女やつさー。面から、くんだから、ぴちや  
ぴちやつし、まーさぎさる。我がなーうひ若されーしぐ  
うさがいたしがやー。

フミ

あきとーなー。繁多川ぬタツよー、我んにんなーうひ若  
されー、なーひん上等かめーいしが。



タツ

あつきよー。．．今、逃んぎてい行ちゆたしえー、あれー、須賀どうやえーさに。

フミ

繁多川ぬ。うんじよー、あり知つちよーいびーんなー。

タツ

しぐ、あにひゃー、我つたー孫んかい嫌な考えー持つちよーるはじ。うつちーひつちー、うりんかいくいーんでいいち、ケーキ持つちちゃい、花持つちちゃい、なあ、かしまさんよー。

フミ

ええ、とーなー。愛ちゃんになー。あれー、うんじゆぬ孫んでいん思まーらんかわいいぐわーやくとうやー。ええ、あんやいびーんなー。

かみじゆう

くにひゃー須賀や、どうーぬ年ん考えーらん、あんし禿ぎかーそーてい恥んねーらん。愛ちゃのーなーだ大学ん出じてーういびらんどーやーさい。

タツ ええ、かみじゆう、いやーやあんし良う知っちょーる。

ヒロ そうですよ。あなたこそ、いい年して、愛さんのことが好きなんじゃないんですか。

かみじゆう あい、いやーや、なまうまんかい居たんなー。早くなー、

東京やていんまーやていん行ちみしれー。

ヒロ ええ、行きますよ。東京でしっかり自分を磨いて、そして帰ってきます。繁多川のおじいさん。そのときには愛さんに真剣に話をしようと思います。

かみじゆう ぬーーう？ぬうーーやんでい？ぬーやが、ぬうーぬ話やが真剣な話んでいいしえー？いやーん愛ちゃんにんがきとーんなー？

ヒロ いやーん？

タツ ええ、かみじゆう。心配ーすなけー。愛や、東京ん東京

むにーすしん好かんでい。

ヒロ

え？えええ？

ヒロ、かなりシヨツクを受けて、よろよろ退場。

フミ

あんし、繁多川ーぬ、今日や、何ーぬ用事やいびーがやー。

タツ

やさ。ええ、はな。うまんかい隠っきてい居らんどー。

出てい来ーんなー。

物陰からおずおず出てくるはな。

タツ

くぬ童、男ぬ親公儀んかい捕らつてい、誰ーん見ーじゆしえー居らん。我が連ーてい来よーしが、いかなしんあ

びらんよー。

フミ あんし、女ぬ親ー？

タツ (子どもに気を遣って首を振る。)

フミ やんなー。とーやがてい童んちゃーん来ゆーさ。はなん

まじゅん遊しびよー。

数名の子ども達、わいわいと登場。

子ども1 だから言っただろ。耕介は、ポストの道しか通らんって。

子ども2 だって、玉城の庭通った方がずっと近いさ。

子ども3 耕介は、いつもと違うことすると嫌だわけさ。でも、耕

介のパニック、久しぶりに見たな。

子ども1 フミおばあ、ちゃーびたん。

子ども2

ちゃー元気やみせーがやーさい。

タツ

童んちゃー、良ー躰らつとーさ。

フミ

いったー、くぬ人わかいんやー。

子ども1

繁多川ぬ愛ねーねーぬたんめーやいびーん。

タツ

とー、良ーわかとーさ。お利口たーやさ。くれーはなやん。  
友達ぐわーつしとうらしよー。たんめーから頼むさ。

耕介、はなに小さな石を渡す。黙って受け取るはな。

子ども1

あああ、耕介がああ石。

子ども2

えええ、誰にもさわらさなかつたのに。

フミ

いったー 耕介ー 変とーんでい 言ちよーたしが。いつ  
たーびけーんやあらん。親戚ぬちゃーんあん言ちよーた

ん。耕介や変わとーん。ばんじよー金ぬぐとう、起きー  
る時間、歩っちゆる道、使いる物、むる決まていうふい  
やていん外んでいーねー、なあ大事。わーないわーないっ  
し、やまちらかすんどーやー。耕介愛なさそーたる、おじー  
が亡ーんなたる時やたしが、くれー泣ちんさん、人ぬ情  
きん無ーらんさんでい、親戚ぬちゃーから言やつとーた  
ん。やしが、今ちきてい おじー命日なれー、パジャマ  
着ち まる一日ちゃー寝んじどー。くぬ ばんじよー金  
がどー。ぬーんちがわかいみ？耕介や、耕介ぬしーよーっ  
し、おじー思とーん。あんどーやんどー。

タツ

いやーがうぬ話、耕介ぬ女親んかい聞かちやくとう、皆  
ぬ前うていっぺー泣ちよーたんやー。

フミ

やたん。あぬ親ん長ーん、にじとーてーさ。

子ども1　　フミおばあ。耕介のその話もう三回目。

フミ　　あい、やたんない？

みんな、ふっと笑う。気を取り直して遊び始める子ども達。

子ども1　　かまじし　　かばじし　　あちこーこー

子ども2　　こーこー　　かだしが　　ないだ　　やーさん

子ども3　　やーさつし　　山原　　歩つちーねー

耕介　　多幸山ぬ　　ふえーれーぬ

はなにまりを渡すが、次の子がはなが話さないのを見て、  
すぐに交代する。

子ども1 肝苦さぬんでい くり くいーたん

子ども2 あちこーこーぬ 油じしあちこーこーぬ油じし、持ち

歩ちよーしがあつたに、あんまー思び出ぢゃち

子ども3 あんまー あんまー あんまさんあま痛み くま痛み

ふしがらん

耕介 雨ぬふいくとう悪つさがやー

子ども1 雨ぬふいねー、泥げつちやー、童んちやーん遊ばらん。

子ども2 ちやーつし、ぬーつし遊ぶがやー

少し、止まってしまったのをみて、タツが参加する。

タツ んーちや、土ーちやつし遊ばなやー



子ども達、タツにやんやの喝采。

子ども1 タツおじい、すごーい。

子ども2 この言葉は、なかなか出ませんよ。

子ども3 いいなあ、タツおじいみたいになりたいな。

タツ おじいのようにになりたい? ?? ?

フミ ええ、うんじょー何ーうっさそーが、うったー、あんだ

口上手どー。しぐ、う菓子買ーらさりーんどーたい。

苦笑いする子ども達。

話題を変えようとする。

子ども1 フミおばあ、ちょーちかちよーちかかって何ねー?

フミ 何ーがあつたに、何ーんちうりわかいが？

子ども 1 うちのお母さんが昔は地震が来たら、ちよーちかちよー

ちかつて言つたつて。

フミ うぬ話えー今ーならん。後からやー。

タツ ・・・今ちきていなー。

フミ くりが、忘しらりーんなー。

暗転。

2

照明。夫光太郎とエミ子がいた頃のの山城家。

たんぜんの懐に赤ん坊を抱えあやしている若い頃のフミ。

フミ (若い頃) しーりーしーりーすみ? とんとんとんすみ?

エミ子 あんまー、しーりーしーりーやまし。

フミ (あやす調子で) しーり、しーり、しーり。なあ、何ーん心配ー無ーんさ。目ーくーてい、寝んでー。

良い気分に酔っぱらって帰ってくる夫光太郎。

フミ、光太郎を思いきりはり倒す。

光太郎 あっがー。フミ、何ーが、何ーなとーが。

フミ 今時分までい、まーうてい酒喰わとーたが。エミ子が、うかさしが、エミ子が。

いっぺんによいが覚める光太郎。

光太郎

ぬーそーが、しぐ医者ぬ家どうやる。だー我んが持ちゆさ。  
ちゃー走ーえーどー。

二人飛び出して、暗転。

照明。(昔の場面が続いている) 縁側に並んで座る。フミとエミ子。  
フミは、服を繕いながらエミ子の相手をしている。

エミ子

あんまー、また、ありさな。えんちゆとうびーちゃー。  
あんまーがえんちゆ、エミ子がびーちゃーっししぬみ。

フミ

いい、しぬんどー。あんしえーあんまーからやー。風ふ  
ちぬ後、太陽ん出てい風んしだしだーとう良い按配。びー

えんちゆ  
チャーとうえんちゆゆんたくさがちー歩つちよーたん。  
はーつせ、大事な風やたん。木ぬ葉、木ー切り、ぶーぶー  
とうーべー。

びーちゃー  
やさやさ、大事な雨やたん。大雨降やーにしたいばた  
ばた

えんちゆ  
畑ぬ心配なてい行じんちゃれー行ちゃい来やいするあぬ  
道ぬ、泥げつちゃーなてい歩つちんならん。

びーちゃー  
滑んでいりくんでいり あまはいくまはい けーり転び  
みぐるんとーりー

えんちゆ  
風ばーばーっし うかーさぬ。瓦ぬ飛でいっちしかまー  
に

びーちゃー  
トウータン飛でいっちうとうるさぬ

えんちゆ  
家ーかい帰ーてい寝んとーたん。びーちゃー 鯉節ーしつ

ぷてい寝んとーたん。

えんちゆ

うーじかなーち寝んとーたん。

びーちやー

たむんまん抱ち寝んとーたん

えんちゆ

はしるんばたばた、柱んぎちぎち

びーちやー

天井からー雨ぬ漏ていぼとぼと

えんちゆ

やつとうかつとう ひつとうかつとう 返し風ん終わ

てい、外ん明がてい雨んあがてい、外んかい出じれー、

あきさみよー。川から水ぬ溢んでいていちやーに

びーちやー

屋敷ん海なてい、畑ん海なてい、作ゆくいむじゆくい、

むるうみなーく。

えんちゆ

やしが、屋敷ー倒ーりらん。ひんぷん作ていゆたさたさ。

びーちやー

ふく木ん植いーていゆたさたさ。

えんちゆ

太陽んくわらくわら。

びーちゃー 水んまんでい。

えんちゆ また、畑んかい種まかな。

びーちゃー 命ぬあれー、ちゃーがなないさ。

えんちゆ 命ぬあれー、ちゃーがなないさ。

えんちゆとびーちゃー ちゃーがなちちゃーがな、ちゃーがなないさ。あつ

ぶつぶ。

フミ エミ子、いやーや、ゆう覚とーさ。上等上等。お利口、じゆ

んにお利口やさ。

暗転、

照明。(現在に戻る)

フミがまた、縁側で寝ている。

タキ、おずおずと近づいて

タキ

フミおばあ。フミおばあ。

フミ

うぬ声や、タキやさやー。ぬーが長ーん来ーんたる。何ーがなあていー？

タキ

わったーすーぐわーとう喧嘩ーいびたん。

フミ

ええ、タキ。すーぐあーやあらん。すーどうやんどー。

あんし、何ーんち喧嘩ーたが？

タキ

狂言どうやいびーたる。すーが今日ん学校やあらんていーんでい言ーくとう。あんやいびーんたい。たい、たい、たい、たいみつちやい。すーが、ぬーやが、うれー。でい言ちやくとう。ぬーん、あいびらんたい。たい、たい、たいみつちやい。あんさくとうすーや、いやーん、我うしえーとーさやー。でい言ち、面、ほーかつとーいびーん。狂言どう



やいびたんどーたい。

フミ 　いかな狂言やていん、親んかい　うんぐとーる事言ーんなー。

タキ 　くさみちよーいびーがやー

フミ 　くさみちよーんてー

タキ 　ちゃーされーしなびーが

フミ 　うんな時ねー、我んが悪っさいびーたん。くねーてい呉い  
みそーりんち、ひさまんちつし頭下ぎれー。

タキ 　しー苦さいびーっさー。

フミ 　しー苦さていんぬーやていん。いやーがる悪っさる。あ  
んさんとーならんゑーさに。

タキ 　やいびーがやー。

フミ 　やんてー。やしが、タキ、いやーやあんしでいきやーが

何故ーんち学校行かんが？

タキ

学校や面白こーねーんたい。先生ぬどうく短気なてい、くねーだ、倫太郎が写真かいぐりーさんたんでいいち、すぐらつとーしえー。我んねー、行ちぶこーねーらんたい。やんなー。．．とーいったーや、あんまーん居らん。なーだ飯めーん喰でーうらんえーさに。ソーミンたしてーさ、喰でい行けー。

フミ

タキ

フミおばあ、銭のー無ーびらんしが。

フミ

ふりむん。我が童から銭取たるくとうぬあんなー。とー、くまんかい。

裏手へ連れて行く。

二人がいなくなったところへ、かみじゅうがヨシ、リュウ親子を連れ

てくる。

かみじゅう 山城ぬうめーさい。ういびらんがやー。

フミ、裏手から出てくる。

フミ ぬーが、まぎあびーっし、我んねーなーだ耳えー弱ーてー  
うらんどー。

かみじゅう うめーさい。今日やくぬ童連ーてい来やーびたしが。

フミ、じつと子どもを見てから。

フミ いやーや、名ーや何ーやがやー。

リユウ　りゆう、琉球ぬりゆうつて、ださい名前。

フミ　（ヨシに）あんし、うんじゅが男ぬ親やいびーんなー。

リユウ　くんぐとうーやていん我ー親どうやる。

ヨシ　くんぐとうー???　誰ーんかい言ちよーが

リユウ　いやーんかい。

ヨシ　いやー????

かみじゅう間に割ってはいる。

かみじゅう　くれー、なーだ、言葉使ーぬゆーわかいびらん。あんし

る、くまんかいそーていちゃーびたる。山城ぬうめーさい。

どーでいん、習ーちくいみそーり。

ヨシ　わんねー銭のー出じゃさんどー。あたらさぬ。

かみじゅう きつさん言ちゃしがうまー銭儲きする所やあらんどー。

繁多川のタツがはなを連れてやってくる。

ヨシ あいとーなー、くれー繁多川ぬ御旦那さい。今日やうん

ぐとーる所んかい、何ーぬ用事がやーさい。

タツ ええ、いやーや、物のあびーようんわからんなー。くん

ぐとーる所??:??:?

ヨシ あいとーなー。ぐ、ぐ無礼さびたん。

タツ フミよー、いつペーにふえーどー。くまんかい連ーていつ

ちから、くぬ童ぬあびーるぐとうなとーさ。

リュウ (はなに向かつて) くんぐとーる女童とうまじゅんなー?

じょうがやさ。・・・ええ、ひんがー、寄らんけー。

はな、言葉より先に手が出る。

はな 誰ーがひんがーが。

リュウ 何ーが女ぬいじとーてい男すぐいんなー。

リュウ、はなをなぐるうとするが殴りかえされる。

タツ ええ、童、気ーちきりよー。はなー、口や遅さしが、手ー

や速ーさんどー。いやーぐとーる、まーみながー敵ーん  
しが。

フミ とーとーいいばーやさ。ええ、はな、家ぬ後ぬ草取ていとう  
らせー。タキン居るはじやくとうまじゅんやー。

はな

うう、わかいびたん。いやーん来ーわ。

リュウの耳をひっぱって家の後ろに。リュウは、ひっぱられながら、

リュウ

すうよー、我んねー行ちぶこーねーんしが、すうよー。  
あがー。

タツ

いやー嫡子どうやんなー。どうくじまましみてい、ふらー  
なとーんでいやー。上等やさ。くまんかいうれーからー、  
まっとーばないんよー。やさやー。月々、五千円ししぬさ。  
やあ、フミ。

ヨシ

月に五千円やいびーんなーさい。

かみじゅう

繁多川ぬたーりーさい、銭やしぬんでい言ち連ーてい  
ちよーいびーしが。

タツ

ゐーゐーしぬん。くれー我ったー仕事つしじこー儲きとーん。あぬひんじゃーが、五千円し直ーいらー安つさるある。やらやー。

ヨシ

御旦那さい。三千円しえーないびらんがやーさい。

タツ

ええ、うぬふーじーんかい、何ーんてい言ーがわかいみ？  
いびらーんてい言ーさ。まさか、いやーや、いびらーや  
あらんどーやー。

ヨシ

うう、ゆたさいびーん。五千円、安つさるあいびーる。

タウ

とー上等やさ。あんしえーフミ我んねー行かやー。くちや  
ぐわーんかい行ちゆしえーうったーが居らん時にやー。

フミ

うん人よー。

タツ、ヨシを引き連れて退散。



区長が胡弓を持って登場。後にぞろぞろ、三線のメンバーが続く。

フミ

あい、んーちゃ。今日や三線ぬ臣下ぬ日やてーさ。

かみじゅう

区長ぬ胡弓（くうちょう）弾ちゅさやーさい。ぬーがや  
らうかさいびーさ。

区長

国頭うてー、かたみらすんでー言らん、かさぎらすんでい  
言ゆんでいやー。あんし、山原ぬ山ぬ中うてい、女ぬ重  
ぶさる荷物持ちかんでいーそーたんでい。うまんかい、  
那覇から来よーる男んかい、「かさぎらち」呉みそーり」  
んでい言ちやんていやー。あんさくとう、しぐ押し倒さつ  
てい、かさぎたんでいいる話やさ。

三線1

うれーじゅんになー。ええとー、国頭うてーあん言ーん  
なー。

## 三線 2

あんすらーうんな話んあんどー。小学校一年生ぬ先生が漢字ぬ勉強習ーちよーたしが、今日は、体を表す漢字を書いてみましょう。んでい言ち、童んちゃーんかい、書かちやんでいやー。童んちゃー一生懸命書ちゆたんでい。先生や見ーち回てい、手だねー、目だねーんち褒みとーたんでいやー。やしが、一人、変とーる漢字書ちよーしがうたんでい。山川谷ぬたにてー。先生やどうまんぎたんでいいる話やさ。

## 三線 3

はああ？意味ぬわからんしが。

## 三線 2

いやーや勉強ぬ足らーんさやー。

## フミ

ええ、うんじゆなーや。昼からうんな話すんなーたい。（自分を指さして）女子ん居いびーんどー。

## 三線 1

女子やいびーんなー？

## 区長

山城さん今日ん使ーち呉いれー。とー、臣下ぬちやー、

今日や涼さくとう外うていすがやー。イスぐあー出ぢやちとうらせー。

三線メンバー、奥からイスを出して 並べ始める。

区長 山城さん、くぬ前、須賀課長ぬ来よーたるはじやしが。

フミ うんじゆぬ所んかいん、ぬばがとーたがやー。

区長 あんし、補助金ぬ話んそーたがやー。

フミ 銭出ぢやすくとう、うま出していいきんでい。べーるやさんでい断たしが。

区長 やんなー。山城さんや、断いるはじやー。やしが、他ぬ人ぬちゃーやなー皆がつていんそーしが。

フミ 他ぬ人ぬちゃーぬ事をわかいびらんしが、我んねーがつ

ていんないびらんくとう。なあ、くぬ話えー止みらんないさい。

三線 1

区長、でいつか、ちんだみからさびらな。

区長

とー、あんしえー始めていんーじゅがやー。山城さん、くぬ話ーまた、来やーびーんどー。

三線の練習が始まる。

フミは、奥へ引つ込むがチエとヤス夫婦がやって来て、側で立ち話を  
する。

チエ

人、人間でいいしえー、ちゃー笑いかなくていいーひーあー  
はー、そうしがる面白つさる。いやーぐとうつし、ぬー  
あびていんうむこーねーん面つし座ちよーいねー誰ーが

ん話しさなやーんでい思まーんよー。あん思ーんなー。  
ぬーやがうぬ面あ？

ヤス

いやーんかい何ーぬわかいが。我んねー、じゅんにぬー  
見ーちん、うむこーねーらんむんぬ。

チエ

ええ、見ーちまーに。くぬ人たー。上手んあらん三線、  
あんしいりきさぎさ弾ちよーしが。

すっかりひまになったかみじゅうが子ども達と出てくる。

かみじゅう

さていむ、さていむ

タキ

ぬーやが、さていむ

かみじゅう

いかなしん、さていむはなあんすくとう、さていむ

タキ

ちやーすが、さていむ

かみじゅう さていむ、ふしがらん

はな やくとうる、さていむ

リユウ 意味んねーらん ふりむにーっし何ーぬ 面白っさが

ヤス やさ、何ーぬ面白っさが。ええ、童、いやーや、なかなか

か物ぬわかいん。とーおじさんとうまじゅん、あまうてい  
面白こーねーん話、しくうな。

隅のガジュマルの根っこに二人座って話し込む。

かみじゅう あきとーな。ひんじゃーが二人さーに何ー話すがやー。

フミ出てくる。挨拶するチエ。

チエ

邪魔ならんがやーんでい思やびたしが、我ー夫んかい、くまぬ人たー見していんーだなんでい思てい連ーていちゃーびたん。あまんかい わじゃんぴーりーっし ひらきとーる人ぬ居いびーしが、

フミ

あぬかまじしくーとーしなあ

チエ

うう、ありが我ん夫なとーいびーん。

フミ

あきとーなー。やしが、ええ、あぬひんじゃー童とうまじゆんなてい、うふえーさー笑いそーんねーすしが。

チエ

確かにあんやいびーんやーたい。うす笑いそーいびーっさー。何ーなとーがやー。

ヤス、立ち上がってやって来る。

ヤス うむくんねーらん　．．．うぶくんねーらんえー、けー

忘しとーたん。今日や一日どー、うぶくうさぎてい来ー  
早く

チエ 良ー思び出ぢゃちえーさ。(フミに) また、来やーびん。

にふえーでーびる。

去って行って、暗転。

### 3

暗転のまま声だけ

昔の場面。フミの家族。



エミ子 おじー、おじー。おじーや大人ないねー、ぬーしみそー

いが。

大人達の笑い声が聞こえる。

エミ子 おじー、おじー。おじーや大人ないねー、ぬーしみそー

いが。

再び笑い声。

光太郎 うぬ童ーよー 笑たくとう うっさっし、二けーん 三

けーん やあらん言ー返ーし返ーし ゆぬくとう あ

びーたんやー。おじいや笑いがちーうふえー泣ちよーん  
ねーすたしが。

フミ  
童ぬ笑い声んでいいしえー、いーりきさるむんやーたい。

照明入る。縁側で寝ているフミ。

かみじゆうがやって来る。

かみじゆう　また、寝んとーみせーしえーさ。

フミ　かみじゆうなあ。あんしゆー寝んだりーるやー。ゆーさ

いねー。なー、我んにん迎えぬ近さがあらわからんやー。

かみじゆう　はあとおなあ、うめーさい。うんな事ーあびらんどーさい。

口んかい喰わーりーんでいる事んあいびーんどー。あき  
さみよーなー。

フミ　　かみじゅう、我が悪つきたさ。悪狂言やたん。くねーてい

とうらせー。なー泣かんどー。

かみじゅう　泣ちえーういびらんしがさい。

フミ　　かみじゅうよー、ヒロやちゃーそーがやー。いやーわか

いんなー。

かみじゅう　うう、人から聞ちゃくとう、くれー、ありから、家ーん

かい　ちゃーくむいそーんでいさい。ぬーがやら　あねー

あらんかねーあらんっし物考えーどう　そーえーさにさ

い。やしが、我んねーありがくとーゆーわかいびらん。

ヤスとチエがやつてくる。ヤスかなり酔っている。

チエ　　あんし、出会ちゃてい　ちゃーすんでいが？　ちゃーす

んでいいる肝やが？ちやーんならんえーさに あねーあらに？

ヤス

やしがてー。あぬ童ーとうんけーいどうんけーいっし  
行ちゆたんよー。いかなしん、いかなしん忘しららんど  
う  
あんでー。

フミ

いやー、前ぬ妻とうぬ子、前ぬ妻んかい、取らつとーさ  
やー。あんどやらやー。

ヤス

くりとうまじゆんないんでいいち、童んかいや出会らん  
約束さびたん。

チエ

後悔そーんなー。後悔そーらやー。我んねー、子ん産しゆー  
さん女やくとうやー。

ヤス

後悔しえーうらん。我んがどうーさーに決みたるくとう  
どうやる。

フミ

とうんけーいどうんけーいっし行ちゆる童見ーち、ぬー  
ん思ーん親ぬまーんかい居が。あんしんいやーとうまじゆ  
んなているうる。二人さーに忍でい行ちゆる他ー無ーん  
えーさに。

ヨシ、リユウの親子、他の子ども達 もやって来る。

ヨシ

くれー誰ー子やが。

リユウ

うんじゆぬ子やいびーしが・・・。

ヨシ

やくとうてー、わんねー何ーがやら恥じかさぬ、道ん歩つ  
ちかんでいーすさ。

リユウ

んーちゃ、んーちゃ くんぐとーる親ー、見ーちやるく  
とうんねーらん。

子ども1 んーちゃ？ 泥ぶったーぬ土ーちゃなー？

子ども2 泥ぶったーぬ親子やさやー

ヨシ  
 いったーや、わー わちゃくどうそーりー。だー、面ち  
 んちきていとうらさ。

ヨシ、追いかけるふりをする。おもしろがって逃げる子ども達。  
 やがて集まって言葉遊びを始めるが。

子ども1 着物、換えーらんとーならんでい言しが着物ぬ ねーら

んちんけーりとーん

子ども2 うり、うり。かーみんくーびーなとーんどー。(リュウ、

やさやさ)

子ども3 いやーや けーしまーなとーしが。(リュウ、やさやさ)

子ども1

あきとーな、いやーや、左うちやーしーやんどー。(りゅ  
う、やさやさ)

タキ

皆、リュウんかいあぎまーさったくとうやー。(リュウ、  
やさやさ)

子ども2

ええ、きつさからやさやさびけーんやし、やーさるあ  
りー？

リュウ

やーさん。朝ご飯食でい来ーんたん。

子ども1

ぬーんち 昼ご飯が あさばんやがやー

子ども2

あんしえー 朝ごはんや？

フミ

うれー しとうみていむん やさ。とー、皆、中んかい  
入れー、ごはんたしていくいら。

時間の経過を表す音楽。

縁側にチエ、ヤスとフミ、かみじゅうも並んで座る

そこへタツもやってくる。

フミ　あきとー、喰えーぶーぬ無ーん人やさ。

タツ　どうく、喰えーぶーぬあいねーくえーぶたーないしが。

フミ　ちようどう、ゆたさたさ。汝ーんかいん聞かしわるんのでい

思とーたんよー。我んにんなー何時御迎えが来ん、うかしこーねーらん。くぬ話、誰ーがなんかい、覚とーていとうらしえーんでいいち、頼むる肝やたん。我んがうらんなくてい、何ーん無ーらんたしとうゆぬむんないねーエミ子ぬどうく肝苦さしが。あれー艦砲んかい追わーつてい、逃んぎまーいっしから十五年たつちよーたん。暮らしかたん落てい着ち、光太郎とまじゅんなてい、女子ん産ま



りてい、エミ子んでい名付きたん。はっせなーちゃんぐう  
とう美ゆらさたくとう。言葉ん早ーさん。物ん良ー覚ー  
たしが、なー、いっペーしかーやたん。雷から風ふちから、  
恐うるさっしでーじやたさ。うりがよ、うりが四ちびけー  
んないたがやー、にーぬ寄ていてー。

暗転。

地震の轟音。子どもの泣き声。

やがて収まる。

フミ

エミ子、うとうるさたんやー。はーとーまぶやーまぶやー。  
なあ、ちけーねーんどー。なあ、ちけーねーんさ、エミ子。  
うれー、にーんでい言ーさ。にーやうとうるしむん。や

しが、ちけーねーん。にーぬ寄ていん、ちよーちかちよーちかんでいあびれーからー、助かいさ。きっさんあんまーや、ちよーちかちよーちかんでい言ちよーたしが、わかいていー?とー、あびていまー。ちよーちかちよーちか。はい。

エミ子  
ちよーちかちよーちか。

フミ  
とー、上手やさ。なーちゆけーん。

エミ子  
ちよーちかちよーちか。

フミ  
とーなー大丈夫やさ。

フミ  
うりから後ー、何ーがばっペーとーら、犬かい追ーらつていんちよーちかちよーちか。暗しんうてい便所んかい  
行ちゆる時んちよーちかちよーちか。

あんすか、しかさてーさやー。エミ子が六ちなとーたん。  
ゆつかぬひいやたんよー。うれー何ー欲さんきー欲さん  
やさん童やたん。やしが珍しくうりがいっぺー欲さそー  
る物ぬあたん。覚びとーがやー。だっこちゃん人形てー。  
うり買ーていとうらさんでい思てい、まち屋かい連ーてい  
行ちゃんよー。

驚かさんでい思てい、うりんかいわからんぐとう買ーてい  
来ーんちさんよー。ちやつさいーりきさすがやー。なー  
わんねーうり考ーてい自分がどうちむどんどんすたさ。  
まち屋ぬ外うてい、待っちよーけんでい言ち、必じ動か  
んきよーんでい言ち、買ーいが入っちやさ。

慌ていたくとう、一時ぐあーどうどー、じゅんに一時  
ぐあーどうやたん。出ていちやくとう。我ったーエミ子

やうらんなとーたん。

照明。まちの中、だっこちゃん人形の包みをかかえて、立ちつくすフミ。

やがて、周りの人に聞いて捜す。

フミ　　エミ子、エミ子。まーんかい行ちやが。

必じ動じゆかんきんでい、言ちえーたるむんぬ。エミ子。

エミ子よー。

誰ーがな小さる女子見ーだんたがやーたい。

六ちないる女子やいびーしが、誰ーがな見ーだんたがやーたい。

誰ーがな、どーでいん、誰ーがな。

誰ーがな、小ーさる女子見ーだんたがやーたい。水色ぬ  
水色ぬスカートはちよーいびーん。  
誰ーがな、どーでいん誰ーがな。

通行人1

アメリカカーがジープ乗ていあつちよーたんどー。

通行人2

アメリカカーんかい連ーらつとーたしが。

フミ

警察、警察呼でい呉いみそーり。

誰ーがな。警察、警察呼でい呉いみそーり。

暗転。

照明。現在に戻る。

縁側に並ぶ人々。

フミ

ちり捨て場んかい、捨ていらつとーたんてい。洋服ん着らん、ちりとうまじゆん捨ていらつとーたんてい。

犯人ぬアメリカやしぐ捕ちみらつてい、裁判うてー死刑なたしが、アメリカ本国んかい帰ーていからどうやる。ちやーがなたらわからん。

区長がやってくる。

区長

あきとーなー、皆揃てい、山城さん、来週の火曜日、須賀さんが大臣も連れて来るそうですよ。これは、大変なことですよ。

かみじゆう

ええ、区長。前から言ーぶさたしがよー。いやー面ーはごーさん。早ーく帰ーれー。

区長 失礼だな君は。山城さんあのですね。

フミ うんじゅんかい あびーるくとー無ーびらん

かみじゆう 無ーびらん 無ーびらん誰ーねーびん さびらん

区長 君は、何を言っているんだ。私をばかにしているのか。

かみじゆう (歌うように) あねーあいびらん。びらんびらん ボブディ

ラン。

区長 いやー、確かに我ーうしえーとーんやー

タツ あいびらん、区長さん、くれーやいびーん頭ぬ病どうや

いびーる。

かみじゆう あんどうやいびーる。びーるびーる、オリオンビール。

区長 山城さん。では、確かに伝えましたよ。失礼しましょうね。

退場。

ヤス

あんしえー我ったーん、ご無礼さびら。

(チエに小さな声で) 来週ぬ火曜日んでい、言たんやー。  
臣下ぬ達んかい、習ーさんとー。

退場

4

場所が変わる。断髪屋。店主のキヨ 客としゃべりながら、断髪。

客1

ぼっちゃん刈りつしとうらしえー。

キヨ

ぼっちゃんदैいる面やあいびらんしが。

客1

昔えー晋太郎刈りやたしがよー、あり、好かんていてー。



キヨ  
やいびーんなー。やーふんぬ。

子ども達、数名入ってくる。

子ども1  
出ました。やーふんぬおばーのやーふんぬ攻撃。

キヨ  
あい、来よーさやー。いったーんぼっちゃん刈りなー？

子ども2  
何それ、ださ。

子ども3  
パーマあてて、パチ入れて。

子ども1  
眉もきれいにそってくれる。

キヨ  
ええ、いったー風情んかい何ーでい言ーが知っちょーみ？

子ども2  
汚ぐりはいからーやいびーん。

キヨ  
あい、知っちょーさやー。

子ども3  
来るたびに何回も聞かされたら、猿でも覚えます。

キヨ

やんてー。やーふんぬあんし良い面影そーていかじがー  
からまーからひんぐかーかーそーてーならんしが……。え  
りもとをのぞく）あい、何ーが今日や、湯風呂入っちちゃ  
んなー。

子どもー

やーふんぬおばー、見損なつてはいけません。ぼくたち  
だつて、やるときはやるんです。今日は、ちゃーがんじゅー  
大学に行くんですよ。

キヨ

あいとー、いったーん行ちゅんなー。

客ー

ぬーが、ちゃーがんじゅー大学うてい何ーぬあがやー。

キヨ

うんじょーなーだ聞ちえーういびらんがやーたい。今日、  
大和からまぎーぬ来ゆーんでいいち、皆集まいるくとう  
なとーいびーさ。

客ー

あんし、集まていちゃーすが。

子ども1

集まていちゃーすが、ちゃーすがちゃーすが、ちゃーすがすが。須賀んかい、ちゃーがんじゅー大学を撤去するのは、止めて欲しいとみんなで言うって。お父が言ってた。逮捕されても絶対立ち退かない山城さんは偉いって、うちの親も言ってた。今日は、必ずがんじゅー大学に行くってよ。

キヨ

ええ、大人ぬ話ぬ邪魔さんどー。

子ども2

ぼくたち、十三祝い終わってますけど。

子ども3

そうそう、十三祝い終わったら、もう大人と同じだって、やーふんぬおばあが言ってたさ。

キヨ

あん言えーかん言ーっし、いやー風情んかい、何ーんでい言ーが、知っちょーみ。

子ども2

口から先産まりとーん。

キヨ あい、うれー習ーさんたしが。

子ども3 がんじゅう大学のフミおばあから言われた。

キヨ フミねーさんや、いったーまでい習ーすさやー。やーふんぬ。

子ども1 おばあ、それどーいう意味？

区長、急いで入ってくる。

区長 ええ、済まんしが、我から先なちとーうらせー。慌ていとー

ん。

キヨ あきとーな、うんじょ、今日やうんな所んかい居てーならんはじやいびーしが。大和ぬまぎーた、うとういむちっしえー居いびらんない。

区長

あねーやし、妻ぬ、髪ぬくんぐとうやれー立身ならんでい断髪屋行きんでい言ち、やらさつとーさ。ちけーねーん、飛行機やなーだ来ーん。

キヨ

あいとーな、遅りているういびーんなーたい。

区長

いい、須賀さんぬ上司ぬ用事ぬあてい、二時間びかーん遅りーんでいよー。どー早くつしとーらせー。

キヨ

うんじゅん、ほっちゃん刈りがやーたい。

区長

何ーあびとーが、平生通い、七三やさ。

キヨ、手早く髪を切り始める。

客1

区長さん、うんじょーぬーんち、あつたー須賀ぬ手いがねーそーがやーさい。初めー我つたー地ーや渡さんち、

区長

あん言ちよーたんねーさびーしが。

わったーん、暮らし方ぬあくとうやー。あきさみよー、くぬ話しーねー血圧上がてい頭ん痛でいちゅーさ。しまんしが、又今度やー。

客1

山城さん警察んかい捕ちみらちやしえーうんじゅんでい言ーる人ぬういびーしが。

キヨ

あきよー、手がしんでいてい失敗しーぎさーやさ。

子ども1

おい、飛行機二時間遅れるって、がんじゅう大学に行つて知らせて来よう。

子ども2

かみじゅうに言えばいいかな。

子ども3

うちなー口で言わんと怒られるよ。

子ども1

うちなー口で飛行機はなんと言うんか？

子ども達が、退場するのと入れ替わり客2・3、入ってくる。

客2 学校うていうちなー口習ーするぐとうなてい、何年ない

がやー。

客3 我が、一年生ないねー、なー皆うちなー口やたくとうやー。

ゆかないないさやー。社会科んちびらーきたん。織田信長  
わかいるむんぬ尚巴志わからんしえーうかさんでい言ち  
琉球ぬ歴史習たしが、

客2 やたん。知事ぬうしえーらつてーならん、でい言ち、教  
育委員会んまる変わいさんやー。先生たーが良ーちばた  
さ。

キヨ 皆があんやさんでい、思とーたんよーたい。沖縄ぬあん  
すかなー、くなーひいちゃーさつてい、ぬーが、うったー

勝手どうやんなー。皆あん思とーいびーさ。

客3  
考えーいねー、沖縄人やだてーん集またい、皆っし道歩っ  
ちやい、皆っし道端んかい、ひらきたい。うんなくとう  
びけーんそーたんやー。

キヨ  
うやふあーふじぬ時からてーたい。

客2  
うんぐとーる島ーねーらんえーさに。

区长  
あんしえー我ー頭、カメジローぬぐとうしとうらさん  
なー。あん人ん七三やあらに。

キヨ  
何ーがたい。あつたに。髪ぬ形、カメジローさん真似ーびっ  
しん、肝心ぬゆかい違いびーさ。

客1  
やさやー。須賀んかいたつくわてい立身さんとーていん、  
肝心ぬしーとーてー良い正月ー迎えーららんやーさい。

区长  
過分なお褒めをいただきまして、



客2

誰ーん褒みてーうらんしが。

区長

我んねー、あんしみつくわささつとーがやー。

客3

うんじょー、みつくわささつてーういびらんどー。好か

んどさつとーるさい。

区長

うれー、何ーぬ変わいがやー？

客3

やいびーんやー。うんじゅがけーまーしーねー、みつくわ

さそーる人ー、うつさつし、茶毘んかいん行ちやびらん。

しかんそーる人ー、あきとーなーんでい言ち茶毘んかい

や行ちやびらん。

区長

何ーんち、我茶毘ぬ話すがやー。しむさ。誰ーやていん、

何時かーぐそーんかい行ちゆくとうやー。

キヨ

やーふんぬ。うんじょー、ぐそーからん追い払ーららん

がやーたい。あい、うれー狂言どうやいびーんどー。

区長

ゑゑ、狂言どうやんなー。ぬーがやら、また、血压ぬ上  
がいんねーすっさー。

暗転。

5

場面は、闘牛場へ。

闘牛ファン1

うり、ありひゃー、うりうりいー、なまやさ。とー

闘牛ファン2

あり、あり、あが、あつきよー、あぎじゃび

闘牛ファン1

ちゃーが、言ちやる通いやたらやー。

闘牛ファン2

闘将まっとーばや、どうくまっとーば行ちゆくとう

闘牛ファン 1

やー。

やんでー。ひんじやーもーんかい、さりーんよー。あれー、ちゃー横からどうやるむんぬ。やくとう、言ちゃねーあらに。

闘牛ファン 2

今度ー、じるが勝ちゆがやー。大曲げんちゃんど、爆裂がんじゅう三号、

闘牛ファン 1

くれーよー前半勝負やらー爆裂、長がかいしーねー、大曲やんやー。くぬ後からどう面白さしが、

我ねー今日や、シーぬー一番までー見ーだらんさー。

闘牛ファン 2

珍しい事んあっさー。何ーが、妻ぬ倒ーりたんなー。妻ぬ倒ーりたるうっぴしえー帰ーらんしが。

闘牛ファン 1

妻んかい怒らーりーんどー。妻ゆか恐るさる者でい

闘牛ファン 2

いーしえー何やが。

闘牛ファン 1

今日やがんじゅう大学んかい、行かんとーならん。

闘牛ファン 2

いやーがいつペー恩義かんとーんでい言たる所やさやー。

闘牛ファン 1

我んねー一回やぐそーぬ入り口までい行じよーん。

今、生ちちよーしえー山城ぬうめーとう、牛ぬう陰  
 やさ。今日やちゃーつしん行かんとーならん。いや  
 ーんまじゅん行かなー。

闘牛ファン 2

おお、行ちゆさ。山城さんや前に警察んかい捕みら  
 っとーしえー。あんしん曲がらん。牛ぬぐうとう真  
 っ直ーばやん。うんな人や我んにん応援しーぶささ。

別の闘牛ファンたち

闘牛ファン3

くんぐとうやんどーんでい言ーねー。ええ、あんど  
うやんなーんてい、あん言れーしみるする。(歌う)  
しみるすがぬが。ぬーんち、うぬ一言ぬ言ーゆーさ  
んたが。ゆるじな我ー張てーさ。ゑゑあんやたん  
なー、くねーていくいれーんでい言ちよーれー今時  
分のーけいちゃん妻なち、孫ん居てーるむんぬ。

闘牛ファン4

ただ一言葉どうやたる。ただ一言葉あびゆーさんた  
ん。何ーんちがやー。五十年たつちん忘しららん。  
ただ一言葉どー。

闘牛ファン3

うり、あぎじゃびよー。見ーちまー、足っし土蹴飛  
ばち、あれーゆかいちばいんどー。

闘牛ファン4

あれー、初みからどうくちばい強ゆうさぬ、最後ま  
でい持たんよー。ちゃーあんぐとうやさ。最後まで

## 闘牛ファン3

いちばてい勝ちわるやる、ゆうちらーねーらん、後からーないねー舌出じゃち。我んにんゆぬむんどうやがやー。ゆうちらーねーん人間やたがやー。

ええ、何あびとーが。がんにゅう大学ぬフミおばあぬ言ちよーたしえー。ゆうちらーねーらん人んでいいしえー居らん。いやーがあびとーる事がどうゆうちらーねーらんえーさに。うり、あぎじゃび、ちばとーせー。あり、くまやさ。

## 闘牛ファン4

あきとー、うんな事んあさやー。ええ、舌出ぢゃちよーるまま突つかきてい行ちゆしが、ありありありひゃー。したいひゃー。

## 闘牛ファン3

あきさみよー。勝ちゆたんやー。珍しい事んあさ。やー、ゆうちらーねーんでいいしえー居らんどー。

闘牛ファン 4

牛んかい習ーさりーさやー。けいちゃん、会ちやて  
いんーじゅがやー。

闘牛ファン 3

いやーん我んにん、なあいちまでい生ちかりーがす  
らわからん。うりつし肝ぬふじゅらー、会ちやてい  
来ーわ。けいちゃんや川ぬ上ぬデイケアー通とーん  
でい。夫ん居らんでいどー。

闘牛ファン 4

いい、あんし んーじゅさ。やさ、あぬ牛ん舌出じ  
やちんちばとーたるむん。我んにん、意地出ちやち  
んーだな。

また、別の闘牛ファンたち

闘牛ファン 5

それって常識ですよ。

闘牛ファン 6

じょうしちャー？我んねーじょーしちャーやあらんどー。

闘牛ファン 5

また、そうやってからかっているんでしよう。それって、ヤマトウーに対する逆差別でしょう。

闘牛ファン 6

しぐに差別どー何どーでいあびーる人ねー気ーちきらんとーやー。差別はだめ。きゃべつ、きゃべつがいい。たまなーうぶさー、最高。

闘牛ファン 5

ああ、ちやかしているわけですね。

闘牛ファン 6

あらんどー。ぬーんあらん。あらんあらん、アラン  
ドロン。

闘牛ファン 5

ああ、僕も何でこんな人ときあうことになったんでしようね。

闘牛ファン 6

我んが持つちよーる軍用地買ういぶさんちどうや



えーさに。やしがならんどーうれー。

闘牛ファン5  
よつぽど嫌いなんですね。そんなに嫌われているのは、どこの国でしょうね。

闘牛ファン6  
あまりかーてー。

闘牛ファン5  
それは、どこです？

闘牛ファン6  
やくとう、あまりかーてー。あまからくまから、沖縄くんぴちかーする所ー皆好かんさー。やさ、なー行かんとーならんやー。

闘牛ファン5  
ああ、がんにゅう大学ですね。なんでも、お偉方が来るとか。僕も行ってみたいと思っっているんですよ。また、銭ぬかばどうすんなー。いやーや、あんしくめーきてい銭儲きーる。

闘牛ファン5  
違いますよ。お金より大事な物があるのかナーって。

興味が出てきたんですよ。

暗転。場面変わる。

6

デイケアセンター。通所者、リハビリ担当、介護士など。

リハビリ担当かめさーん、聞こえますかー。かめさん？

かめ わんねーぬるんとうるんしえーういびらん、とうるばてい

どうういびーる。

リハビリ担当はい、そうですよねー。では、みなさーん。今度はちよっ

と手を動かしてみましようか。

はい、ぐーぱーぐーぱー

かめ  
ええ、うひぐわー訊ちゆしが、うんぐとうっし、面白っ  
さみ？

リハビリ担当かめさん、これをやると健康でもつと長生きできますよ。  
お仕事と思つてがんばってください。

かめ  
仕事やらー、にりーるうっさそーんどー。なあ、ちゆふあー  
らやさ。

介護士  
かめさん、あまり先生困らさないよー。

通所者、めいめいが勝手に話す。

通所者1  
我が問題出すんど。ちゃーあぎまーちりっかりっかする

## 大統領

通所者2

うれーリンカーンやー

通所者1

あい、わかいさやー。あんしえー、ぬーくいーんけー忘ー  
る大統領や？

通所者2

わしとーん。うれーワシントン大統領やさ。

通所者1

あんしえー沖縄ぬ問題や。琉球んかい、ちゃーきわじとー  
る王ぬめんしえーいん。

通所者2

ちゃーはーっしはーっしっしや。うれー 尚把志や。

リハビリ担当すごいじゃないですか。わたしわかりませんでした本当

に。

介護士

もうこの問題一年くらいやってるんですよ。

リハビリ担当あら。

別のグループ

通所者3

他人ぬくとう　ぬーそーん　きーそーんつし　いやーや  
あん言いしが、いやーん　余所うてー　あん　言やつとー  
んよー。　世ぬ中んでいいしえー　てーげーうぬふーじー  
やんよー

通所者4

あんやがやー。

通所者3

うんじよー、いっぺー好かんさつとーたんどーたい。

通所者5

やたさ。あやーや、あれーいっぺーじびたむんでいいち、  
好かんそーたん。

通所者4

あきとーなー、ぬーんち、あんし好かんさつたがやー。

通所者3

うりがわからんくとーあいびらんがやーたい。

通所者4

じびたむんでいいしえーぬーやがやー。

通所者5

いやーふうじーんかいじびたむんでい言ーんよー

通所者4

うれー、ちゃぬふーじーがやーさい。

通所者3

いっペー上等

通所者4

いっペー上等やいびーんなー

通所者5

ええ、うんじよう、うっさそーいびーんどー

通所者3

うっさしみとーけー。

かめ

ええ、テレビチャンネル変えーていとうらせー。

ツル

はあ？何ーんでい？

かめ

チャンネルっ。アールビーシーんかい。

ツル

あたびちー？

かめ

あぎじゃび、しむさ、あんしえーオーテイービー。

ツル

おーベーとうどーん？

かめ

いやーや、わちゃくていどうりー？

ツル

(まったく無視して、かめの顔を手で押さえて)

あい、くぬ人ー誰ーなとーがやー。

かめ

(手を払いのけて) くぬ人ーちゃーがんじゅう大学ぬ山城  
フミさんてー。

介護士

そうですね。ちゃーがんじゅう大学の山城さんです。今日、  
みなさんここに行くんですよ。やがてバスが迎えにきま  
すからね。

ツル

我んねー、うぬ人知っちよーっさー。

かめ

あい、何ーなとーが、くれー普通なとーしが。

介護士

ツルさん、この人山城フミさんですよ。知ってるんですか。

ツル

我んねー、うぬ人んかい、どーでいん、どーでいん。

かめ

うぬ人かい何ーがな、言ーぶさんなー。

ツル

うぬ人かい、どーでいん言やんとーならん。とー早く連  
てい行けー。

介護士

ちよつと、待ってください。まだ迎えのバスが来てない  
んですよ。

暗転。

7

かみじゅうの夢。

薄暗い中、補わつとした照明で

広場で子供たちが遊んでいる。



ひじゆるこーこー おーひじゆるー

みーにし吹ちャーに ひーさがたがた

しとうみてい、外ー明がていん

布団ぬ ぬくさぬ 出ぢららん

あいとーなーなー、ひーさー王

水ひじゆるさぬ 面ん洗らーん

目ーくす鼻くす うぬまーまー

あいとーなーなー ひーさー王

みーくふあやーに起くさつてい

着物のー着ちやしが、かーみんくーびー

あいとーなーなーひーさー王

うちなーやていん冬どうやる

ぬーぬ悪っさが 北海道

あいとーなーなーひーさー王

子どもたちフェードアウト。

### 山城家の茶の間

フミ 高良ぬ子やなま、あんまさそーいびーさ。よーがりてい、

色おーじゃーつし肝苦さぬ。

光太郎 昔やれー 病なれーからー 滋養ちきーんち、犬やてい

ん 猫やていん 喰ますたしがやー。

フミ あきとーなー、うんじゅがうんな話すくとう、えー。くぬつ

子見ーちんーじみそーれー。異風な面なとーいびーんどー

光太郎 あい、あい、エミ子、ちけーねーんさ。いやーんかい 犬・

フミ

猫、喰ます話やあらん。昔ぬ話どうやる。心配ーすなけー。とー、くわつちーやたんやー。くまー片付きーみ。

エミ子、飯米、喰みーねー、しぐ茶碗片付きらんとーならんどー。片付きらんまーどう、にーぬ寄いねー、大事どー。なー一回 しこーてい 喰まんとーならん。にーや 恐るしむん。あぬ石垣やていん崩りーんどー。やし が ちきえーねーん。にーぬ 寄ていん、ちよーちか ちよーちかんでいあびれーからー 助かいさ。

エミ子

あんまーちよちかちよーちか、我んねー覚びとーんたい。すーたい。明日や十五日やくとう、那覇かい行ちゆみた い？

光太郎

ええ、我ったーぐなー小ぬ、ぬーがな、理屈あびとーし が

フミ

那覇かい行ちぶさぬ一生懸命考えーているうる。やんなー、あんしえーうぬ内、那覇かい連ーてい行かやー。

暗転。

照明。

かみじゅう、縁側で目を覚ます。

かみじゅう

何ー！ー！何ーなとーが。

今のー確かにうめーやたしが。

フミ、裏から出てくる。

フミ 何ーが、今日やまた。くぬ早ーさから。うまうてい寝んとー

たんなー。

かみじゅう うめーさい。今、うめーぬ夢んーちよーたしがさい。

フミ あきとーなー、かみじゅう。いやーとう我んとーどうく  
年ぬ違いん。いやーがうんぐとう思ていんちやーんなら  
んどー。

かみじゅう あきさ、うめーよーさい。また、狂言さびーさ。

フミ ありあり。あまから、くりん朝なーから来ゆーる人ぬ  
ちやーぬ居さ。

タツが入ってくる。ヒロが反対側から琉装で入ってくる。

タツ あい、ぬーがいやーや。東京やあらんたんなー。

ヒロ 繁多川ぬたんたんめんさい。ワンは、東京やしかんです。

うれから、郷土ウチナーを大事にさびーん。びーん。

かみじゅう ええ、いやー言葉ーゆかいとかさしが。

ヒロ かみじゅうさん、これまでのご無礼こねてください。ワ

ンは、ウチナー口を勉強したので、ゆたしく。しくしく。

かみじゅう いやーや、我うしえーとーん？しく、あつくさりーんどー。

ヒロ あつく？ あつくってなんでしょう？

かみじゅう あきとーなー。うりん習ーさんとーならんなー

タツ 学校うてい、ウチナー口、勉強するぐとうなたしえー何

時からがやー。

かみじゅう なあ、ゆかいなびーさ。

タツ 来年ぬ妖火日ねー、ぬーがなぬあんでいやー。

かみじゅう 御旦那さい、臣下ぬちゃーゆかい捕みらつとーいびーん。

うかつとーあびららんどーさい。

タツ  
あんやたんやー。

かみじゅう  
やしが、今日やだてーん集まいがやーさい。

タツ  
来ゆーんてー。がんじゅう大学かい、恩義かんとーしえー、  
ちやつさ居くとう。うつたーが親戚、ちけー隣い、んな連ー  
てい来ゆーんよー。

かみじゅう  
やいびーがやー。

数名、あれこれ話しながら、やって来る。

人物4  
あい、いやーん来よーさやー。

人物5  
当た前どうやる。うまんかいや、ちやつさ恩義かんとー  
くとう。がんじゅう大学無ーんだらー、我んねー今時分

人物 4

生ちちえーうらんしが。いやーん、やえーさに。

やん。恩義わしてー、人ーあらん。我つたー親戚ぬちやー  
ん来ゆーるはじ。今日来ーんとー、親戚やあらんでい、  
言ちえーくとうやー。

人物 5

我つたーんちけー隣皆来ゆーんよー。

人物 4

やしが、ちびらーさたんやー。警視庁ん驚ちよーえーさに。

人物 5

いかな何ーやらわん、あんぐとう高さる保釈金ちんあんな。

人物 6

山城ぬうめー捕ちみてい、沖縄人しっぴらかすんちやてー

んよー。

人物 5

女カメジローんでい言やつとーる人どうやる。皆わじとー

んよー。

人物 4

ちびらーさたんやー。わんからわんからっし、保釈金ぬ



集まてい、しぐ、億やてーさに。

人物5

警視庁んたましぬぎとーんよー。

人物6

うんな時、沖繩人は、何でい言ーが？「ちゃーがひゃー」  
やさ。

人物4

やさやさ。ちゃーがひゃーやさ。

かみじゅう

公儀ぬ役人ぬしようし様んかいや、我んにんわじわじー

そーいびーたん。

人物4

ええー、かみじゅうー、公儀んでいいしえー昔ぬ言葉どう

やしが。

かみじゅう

あつたー頭ぬ中、かーま昔とうゆぬむんどうやいびーる。

やくとう公儀んでいいーしえー当たとーいびーさ。

人物5

やんやー。やさやさ。当たとーさ。

次のグループ。

人物7

うちなーん人や、あんし前ーないないっし、我んが我んがーさんどーあり、前城ぬしげいち 見ーちまーちゃーうっちんとうーっし まーん見ーだんぐとう 歩っちよーさ

その孫

うちは、山城フミさんみて、前を向いて歩いて行こうと思ったさ。

人物7

ちゃーうっちんとうーっしる 歩っちゆる。あん思とーたしが、今日やいやーが大人なてい見ーゆさ。

人物8

今日や何ーなとーが。あんし、人ぬまんてい。

人物9

国ぬまぎーぬ来ゆーんでいよー。

人物8

フミおばあんかい、会ーいになー。

人物9 黒ー着ちよーるくてーまぎー達、だてーん連ーてい来ゆー

んでい。

人物8 何故ーんちよー。

人物9 がんじゅう大学どうかさーに基地ぬ滑走路伸ばすんち  
てー。いやー、新聞読どーみ？

人物7 あんし、裁判ぬんあえーさに。

人物9 あれー無ーんしとうゆぬむん。あつたーしーぶさかつ  
ていーどうやるむんぬ。

人物8 いちからあんなたが？

人物9 いやーがとうるばてい遊どーる間にてー。

人物8 我んが遊どーる間に、あんしどうー勝手そーたんなー？

人物9 あんさくとう、がっていんならんでいいち、くぬ人達ぬ  
寄しりてい来よーるばてー。

人物8 やしが、沖縄人あらん人まんどーるぐとーしが。

人物9 ええ、くれーよー、ヒロがインターネットさーにがんじゅう大学ぬ事、宣伝そうくとうやー。かーまからわじわじーっし来よーしん居んよー。

人物8 かーまんでい言ーねーまーむていーがやー？

人物9 ハワイからアルゼンチンから、あまくまでー。今日や世界ぬ沖縄人抗議集会やさ。

デイケアアのメンバー到着。

介護士 すみませんね。山城フミさんは、どちらですか？この方

がどうしてもお話したいそうなんです。

タツとかみじゆうが出てくる。

かみじゆう　山城ぬうめーや今日や忙なさん、話する暇ー無ーらんしが。  
が。

ツル　どーでいん。出会やーちくいみそーり。くり話さんとー、我んねーぐそーんかい行からんしが。

介護士　テレビで山城さんを見て、急に何か思い出したらしくて、お願いします。この人がこんなにちゃんと意思表示するつて初めてなんです。

タツ　ええ、かみじゆう、うれーただ事ーあらん。しぐ、呼でい来わー。

かみじゆう、奥からフミを連れてくる。

かみじゅう

うぬ人、やいびーしが。

ツル

うんじょー確かに、はる町ぬまち屋ぬ前うてい、アメリカカーんかい女子盗らつたる山城さんやみしえーさやー。

フミ

うう、あんやいびーしが。

ツル

我んねー、あぬ時、はる町んかい居いびーたん。買い物すんち、歩ちよーいに、アメリカカーぬ大ぎ男ぬ小さる女子かたみてい走ーえーっし行ちゆたんよーたい。我んねーくぬ耳っし確かに聞ちやびたん。確かに、あい、わんねー……

介護士

ツルさん、女の子が何か言ってたのね。何と言っていたの？

ツル

うんじゆなー女子あ、「ちよーちかちよーちか。ちよーち

フミ

「かちよーちか」んでいあびとーいびーたん。我んねーくぬ童ー異風な事あびーつさーんてい思やびたしが、なあ、ただ事ーあらんでい思てい警察んかい電話さびたん。

やしが、だあ、うんじゆなー女子、あにひゃーアメリカーんかいあんぐとうさつてい。我んねー肝苦さいびーたん。ありから、うぬ「ちよーちかちよーちか」ぬ肝にかかていふしがらん。うんじゆんかい、聞かさんとーならんでい思やびたしが、だあ、我んねー暮らし方ぬ忙ちゆなさぬ、うんじゆ搜めーいんしーゆーさん。今どうなとーいびーる。くねーていくいみそーり。

・・・ゆう、ゆう、聞かちくいみそーたさ。

あん：・あんやいびーたん。エミ子や。あんやいびーたん。

暗転、声だけ。

フミ

にーやうとうるしむん。やしが、ちけーねーん。にーぬ  
寄ていん、ちよーちかちよーちかんでいあびれーからー、  
助かいさ。きっさんあんまーや、ちよーちかちよーちか  
んでい言ちよーたしが、わかいていー?とー、あびてい  
まー。ちよーちかちよーちか。はい。

エミ子

ちよーちかちよーちか。

フミ

とー、上手やさ。なーちゆけーん。

エミ子

ちよーちかちよーちか。

フミ

とーなー大丈夫やさ。



時間の経過を表す音楽。

8

明かり入る。

ちゃーがんじゅう大学の前に集まる人たち。

人物1 あぬ黒ーたーが入っちいじから、ゆかないしが、ちゃー

なとーが。

人物2 やがてい、出じてい来ゆるはじ

人物3 くまーうさきー集まとーるむんぬ、ちゃーんならんよー。

人物2 うり、来ゆるしえー。

須加を始め黒スーツの人たちがフミといっしょに出てくる。  
話は決裂したようで、国の役人らしき人がいらだっている。

黒スーツ1 そんな感傷的なことで、この厳しい世界情勢に対応できると思えますか。もし、あのわけのわからないならず者の国が攻めてきたら、あなたの周りの人を無差別に殺し始めたなら、あなた責任とれますか。

フミ  
もしも？もしもぬ話どうやいびーんなー。わったーがさつたしえー、もしもやあいびらんどー。

黒スーツ2  
何でそんな変な言葉を使うんです？さつぱりわかりません。あなた、日本語わかりますか？ちゃんと日本語で話しましょうよ。

フミ

何ーがわったーがうんじゅなーんかい合ーさんとーない  
びらんがやーたい。うんじゅなーがわったーんかい合ー  
しみそーれー。選挙ぬ時ねー、沖縄の人たちに寄り添い  
ますんでい言ちよーいびーたんどーやーたい。あれー、  
口びけーんどーやみしえーていー？

区長

やくとー、補助金だてーん出じゃすんでい言ちよーみせー  
しが。

かみじゅう

銭のーあらん、肝どうやるんでい、うめーやあん言ちよー  
んどーやー。なまわからんなー。うんじゅぬ頭ーちんくわ  
んどーやがやーさい。

区長

我ー頭ぬちんくわんー？

タツ

区長、なあ、今日やうったー連ーてい帰れー。まさか、うつ  
び集まとーる人ぬちゃー皆捕みらすんちえーあらんどー

やー。

黒スーツ 1 今日、戻りましょう。山城さん私は、もう来ませんが、次来るのはブルドーザーになりますよ。我々は、法律に従って、肅々と進めるだけです。

フミ 法律？女子一人守ゆーさんたるむん、何ーあびとーがやりたい。ブルドーザーっし人ちちくわーすんちなー。いったーやらーしーがすらわからんやー。

かみじゅう いったーしーよーんかいや、なあがつていんならん。帰ーれー。

ヤス やさ、いったーんかい、くなーひちやーさりーしえー、なあ、ちゆふあーらやさ。

チエ 沖繩かい、ひんじゃーや、居てーならんそー。しぐ、出していけー。

黒スーツ2 (1に) あの、車までどうやって行きましたしょう？通れませ

んけど。まさか、こんなにも集まるとは。想定外です。

黒スーツ1 何とかしろ。何のための警察だ。

帰れの声の中、暗転。

9

照明。がんにじゅう大学の広場。

子どもたちが遊んで、フミ、タツ、かみじゅう、ヒロが眺めている。

リュウ 粘土がねーんどー

はな なあ、うふいやっさー。

リュウ カマンベールチーズんちあしえーかまんべーるやさ

はな うれー面白っさん。

動作をつけて交互に言葉遊び

子ども1 いんちやーまんちやー

子ども2 まんちやーひんちやー

子ども3 いんちやーなーがー

リュウ くるびんけーりー

はな きつちやきひつちやき

子ども1 とうんとうるもーかー

子ども2

しんでいりくんでいり

子ども3

みぐるんとーりー

リユウ

たたん屋ぬたんめーが

はな

すば屋ぬすばうていみぐるんとーりー

子ども1

すば屋ぬすばー、まーさがやー

リユウ

区長ぬおじーや、まーさがやー。

フミ

ゑゑ、うんな事ーあびらんどー。

タツ

やんどー。人、みつくわさつしえーならん。いったー肝

ぬどう腐いんどー。

フミ

とー、うり、飢ーさ直ーし。

はな

あい、ぽーぽー。フミおばあ、くわつちーさびら。

リユウ、ぽーぽーを落としてしまう。

はな、拾ってやって。

はな　ちけー無ーん。きーむし　きーむし慶良間ぬ島んかい  
とうでい行けー。ふう。とーなあ喰まりーさ。

子どもたち、ポーポーを持って奥へ。

フミ　あい、なあ、ゆうばんまんじゃーぬ出じとーさ。

ヒロ　夕飯ぬまんどーん？

かみじゅう　何ーあびとーが。ゆうばんまんじゃーや、あり、あぬ星  
よー。

ヒロ　星なんだ。わんみたいの、うふそーんでいいいます？

かみじゅう　いやーや、うふそーやあらん。かわいそー。



ヒロ　じゅんに我んは、かわいいそうるやいびーる。

かみじゅう　何ーが、チャーさが。

ヒロ　愛ちゃんかい、言やびたんよー。

かみじゅう　何ーんてい言ちゃが？

ヒロ　とつてもいつペー考えて。いやーとう我んとーにーびちしーびち、にーびちあたびち、風邪ひちんでい。笑いを取った方がいかなって・・・面白っさこーないです？

かみじゅう　にーびちしーびち。あたびち風ひち？　面白っさしがてー。うんな時に言ーしえーあらんやー。ヒロ、いやーや、なあ、アウトやさ。

ヒロ　アウト。やつぱりアウトなーさい。

タツ　ヒロ、あんし、愛や何ーんてい言ーたが。

ヒロ　何ーん言いませんさい。カッターナイフと、竹のぼう、

それから何でか、米くれたんです。うんな変な物くれるんで、なあ、だめやっさーんでい我んにん思ったんよーさいさい。

フミ  
何ー？カッターナイフとう？

タツ  
竹ぬぼう、米？？（フミと顔を見合わせる）

しーぐ、だち、くいみそーり。しぐ抱ちくいみそーりやさ。  
あきとーなー、愛よー、うんな男んかいいやーや。

かみじゅう  
しぐ抱ちくいみそーり。ええ、ヒロ、しぐ疾走えー、愛ちやん所んかい。行けー。

ヒロ  
え？何？どうしてちゃーなっていますか？

かみじゅう  
何ーやていんしむん、ハーバーハーバーやさ。

ヒロ  
え？ハバハバ？

ヒロ、かみじゅうに引きずられて退場。

タツ 若ーたーや。ゆたさんやー。うったーや、今からどうや

んやー。

フミ 童んちゃーん、今からちゃつさいいりき事ぬあがわかい

びらん。何ーぬあていん、うったーや笑いかんてい生ち

ちいかんとーやーたい。

タツ やしが、あぬ黒ーたーや又、来ゆーんどー。わんねー何ー

んならんでいち うっちゃん投げていんしぬしが、あねー

ならんえーさに。いかなぬーやらわん、あさきーぬ人ぬ

集まてい呉いてーんどー。

フミ やいびーんやーたい。我んねー集まてい呉いたる人ぬ

ちゃー見ーち、ただただ、にふえーでーびるんち手合ー

ちよーんでーたい。

タツ

うんぐとーる世ぬ中ぬいちまでいん続ちゆるむのーあらん。とー、あんしえーでいつか、くちやぐわーんかい。

フミ

あきとーなー、うんじよー。男んでいいしえー幾ちなていんあんどーやいびーがやー。(つねる。)

タツ

あがーっ。．．．ちんちきらつていん、噛んくーらつていん、いやー手ーどうやる口どうやるんちやー。フミや幾ちなていん愛しーぐわーどうやる。

幕